

四庫全書

史部

欽定四庫全書

通典卷三十四

唐 京兆杜佑君卿纂

職官十六

文散官

開府儀同三司

漢文帝元年始用宋昌為衛將軍位亞三司○後漢章帝建初三年始使車騎將軍馬防班同三司同三司之

名自此始也。殤帝延平九年，鄧騭為車騎將軍，儀同三

司，儀同之名自此始也。

又獻帝以伏完為輔國將軍，儀比三司。

○魏黃權

以車騎將軍開府，儀同三司。開府之名自此始也。○漢

末奮威將軍晉江右伏波輔國將軍，並加大而儀同三

司。江左以來，將軍則中鎮撫四鎮以上，或加大餘官，則

左右光祿大夫以上，並得儀同三司。○齊開府儀同三

司如公。○梁開府儀同三司，位次三公，諸將軍左右光

祿大夫優者，則加之同三公，置官屬自晉以來，又有如

開府同三司之儀者自羊祜始焉

漢末呂布開府如三司其他無聞至晉羊

祜為車騎將軍荊州諸軍事加開府如同三司之儀累年謙讓不辟士不備僚屬及始有所命辟士未到而卒

不得除署後當陽侯杜元凱表哀其家無子嗣官無命士請更議之詔不許

在江左亦多有

之

梁沈約為侍中右光祿大夫徐勉為約請三司之儀武帝不許又邵陵王綸為平南將軍湖州刺史王茂

為使持節散騎常侍驃騎將軍並同三司之儀

○後魏亦有之普泰初特以爾

朱世隆為儀同三司位次上公○北齊亦有儀同三司

者

任城王湣等諸王多為之潛戶皆反

又有開府儀同三司及儀同三司

○後周建德四年改開府儀同三司為開府儀同大將

軍仍增置上開府儀同大將軍又改儀同三司為儀同大將軍仍增置上儀同大將軍○隋文帝並以為散官

又諸衛各置開府

左勳衛開府右翊一開府二開府三開府及武衛武侯領軍東宮領兵開

府准此

府置開府一人又有儀同府儀同以下置員與開

府同初開府儀同三司為四品散實官至煬帝又改為從一品同漢魏之制位次三公○大唐武德七年改上

開府儀同三司為上輕車都尉開府儀同三司為輕車都尉儀同三司為騎都尉後又以開府儀同三司為文

散官開元以前舊例開府特進雖不帶職事皆給俸祿  
得與朝會班列依本品之次皆崇官盛德罷劇就閒者  
居之

天寶六載正月制内外文武五品以上官父  
祖資蔭者其所用蔭宜同子孫用蔭之例

### 特進

漢制諸侯功德優盛朝廷所敬異者賜位特進位在三  
公下故成都侯王商以特進領城門兵置幕府得舉吏  
如將軍是也○後漢皇后父兄率為特進侯朝會位次  
三公

隋志曰特進舊位從公光武以鄧禹列侯就第  
特進奉朝請是特進引見之稱無官定體也

而

竇篤進位特進得舉吏見禮依三公自二漢及魏晉以  
為加官從本官車服無吏卒太僕羊琇遜位拜特進加  
散騎常侍無餘官故給吏卒車服其餘加特進者唯食  
其祿賜列其班位而已不別給特進吏卒車服焉晉惠  
帝元康中定令特進位次諸公在開府驃騎上冠進賢

兩梁冠黑介幘五時朝服佩水蒼玉

食俸日四斛太康三年始賜春絹五

十疋秋絹五十疋綿百五十斤元康元年給菜田八頃  
田騎八人立夏後不及田者食俸一年置主簿功曹史  
門亭長門下書佐各一人給安車黑  
耳駕御一人輅車施耳後戶一乘

無章綬○齊時位

從公陳因之○後魏北齊用人皆以舊德就閒者居之

○隋文帝以為散官不理事煬帝即位廢特進官○大

唐為文散官

餘具開府篇

### 光祿大夫以下

秦時光祿勳屬官有中大夫漢武帝太初元年更名光

祿大夫

漢志曰夫者扶也膚也詩曰殷士膚敏裸將于京明當以其肌膚知能侍君父也

銀章

青綬掌議論屬光祿勳門外特施行馬以旌別之無常

事唯顧問應對詔命所使無員○後漢光祿大夫三人



凡諸國嗣王之喪則掌弔多以為拜假贈贈之使及監護喪事○魏氏以來無員轉優重不復以為使命之官

其諸公告老皆家拜此位及在朝顯職復用加之

魏文帝以

楊彪為光祿大夫賜几杖衣袍因朝會引見令彪著布單衣鹿皮冠杖而入待以賓客之禮

○及晉

受命置左右光祿大夫假金章紫綬而光祿大夫如故加金章紫綬並與卿同進賢兩梁冠黑介幘五時朝服佩水蒼玉并祿賜班位吏卒皆與特進同復以為優崇之制而諸公遜位不復加之其以為加官者唯假章綬

祿賜班位而已不別給車服吏卒也或更拜上公或以本封食公祿其諸卿尹中朝大官年老致仕者及內外之職加此者前後甚衆由是或因得開府或進加金章紫綬又復以為禮贈之官本已有卿官者不復重給其餘皆給其假銀章青綬者位在金紫將軍下諸卿上太始中唯太子詹事楊珧加給事中光祿大夫加兵之制

諸所供給依三品將軍

晉宣帝子平原王幹拜光祿大夫加侍中特假金章紫綬班次

司其餘自如舊制終武惠孝懷三世

食俸曰三斛太康二年始給春絹五

十疋綿百斤惠帝元康元年始給菜田六頃田騎  
六人置主簿功曹史門亭長門下書佐各一人

○宋

氏因之○齊左右光祿大夫皆據舊齒位從公開府置  
佐吏如公年重加親信二十人魏晉以來無員其左右  
光祿大夫光祿大夫皆銀章青綬其重者詔加金章紫  
綬則謂之金紫光祿大夫其重者既有金紫之號故謂  
本光祿為銀青光祿大夫

晉時王翹之為  
銀青光祿大夫

樂安任遐為

光祿就王晏乞一片金晏乃啟轉為金紫是也猶屬光  
祿勳○梁又有左右金紫光祿大夫視吏部尚書左右

光祿大夫視諸曹並養老病○陳因之自晉以後多為兼官○後魏有光祿大夫金紫銀青光祿大夫○北齊皆以舊德就閒者居之與特進同○後周有左右金紫左右銀青光祿大夫○隋有光祿大夫左右光祿大夫皆為散官不理事○大唐初猶有左右之名貞觀以後唯曰光祿大夫金紫光祿銀青光祿並為文散官

按前

代光祿大夫始加金章紫綬及銀章青綬者並尊崇之合在光祿之上後魏定令誤遂因仍不改

正議大夫通議大夫皆隋置散官蓋取秦大夫掌論議

之義大唐並因之

太中大夫秦官亦掌論議漢因之

哀帝初立御史大夫王嘉奏曰蘇令發起

為盜欲遣大夫使時見大夫無可使者召藍屋令尹逢拜為諫大夫遣之今諸大夫有材者甚少宜預畜養也

後漢置二十人

後漢張湛字子孝拜太中大夫居中東門候舍故人號為中東門君又隗囂廣

置職位以自尊高鄭興止之曰夫太中大夫使持節官皆王者之器非人臣所當置也胡廣云諫議光祿太中中散大夫此四等於古禮皆為天子之下大夫列國之上卿魏以來無員晉視中丞

吏部絳朝服進賢一梁冠介幘太始末詔除王覽為太

中大夫祿賜與卿同梁北齊皆有大唐亦有之

中大夫秦官漢武改為光祿大夫自後無聞北齊有之

大唐又置之

龍朔二年七月制諸王嫡子封郡王者出身從四品下叙

中散大夫王莽所置後漢因之後置三十人

漢官曰光武中興置

魏晉無員齊梁視黃門侍郎品服冠幘與太中同陳亦有之大唐又置之

朝議大夫隋置散官以取漢諸大夫得上奉朝議為名大唐因之

朝請大夫隋置散官取漢將軍公卿年高德重者以列

侯就第特進奉朝請之義大唐因之

龍朔制諸王衆子封郡公者出身從

五品上叙

朝散大夫隋置散官大唐因之自正議以下今並為文

散官

朝議郎承議郎並隋置散官大唐因之

顯慶五年八月制郡公出身正

六品下叙

通議郎隋置散官

隋文帝於吏部別置朝議通議朝請朝散給事承奉儒林文林等八郎武

騎屯騎驍騎游騎飛騎旅騎雲騎羽騎八尉其品則正六品以下從九品以上上皆為郎下皆為尉散官番直

常出入使監檢  
至煬帝皆罷

大唐改通議為奉議郎

顯慶制縣公出  
身從六品上叙

通直郎隋置三十人蓋採晉宋以來諸官皆有通直謂  
官高下而通為宿直者也因此為名大唐因之

朝請郎隋置散官蓋採晉宋齊梁陳並有奉朝請員為

名大唐因之

顯慶制侯出身  
正七品上叙

宣德郎朝散郎並隋置散官大唐因之

顯慶制伯出身  
正七品下叙子

出身從七  
品上叙

游騎尉隋置散官大唐改為宣義郎蓋取梁宣義將軍



之名

顯慶制男出身  
從七品下叙

給事郎徵事郎承奉郎並隋置散官大唐因之

承務郎大唐置蓋因隋尚書省二十四司承務郎之名也

儒林郎隋置散官蓋取前史儒林傳之義大唐因之

登仕郎大唐置

文林郎隋置散官蓋取北齊文林館徵文學之士以充之義大唐因之

將仕郎隋置散官大唐因之自朝議郎以下今並為文

散官

其散官自五品依本品衣服而無祿俸不朝會自六品以下黃衣執笏於尚書省分番上下兩番以

上即便隨番許練通時務者始得參選武德令職事高者解散官欠一階不至者為兼職事卑者不解散官貞觀十一年改令以職事高者為守職事卑者為行其欠一階依舊為兼與當階者皆解散官官階相當無行無守其子孫用廢皆依散官其後類例紛錯難可悉舉乾封元年正月制內外官九品以上加一階一品以上加二階八品以下更加勲轉乾封以前未有泛階應入三品皆以恩舊特拜入五品者多因選叙計階至朝散大夫以下奏取進止每年量多少進叙餘依本品授官若滿三計至即一切聽入乾封以後始有泛階入五品三品

武散官

驃騎將軍

漢武帝元狩二年始用霍去病為驃騎將軍定令驃騎將軍秩祿與大將軍等光武中興以景丹為驃騎大將軍位在三公下明帝初即位以弟東平王蒼有賢才

以為驃騎將軍以王故位在公上

蒼為驃騎輔政開東閣延英雄及蒼歸國

有驃騎時吏斗食周相以蒼敬賢下士不忍去之遂為王家大夫數十年事祖及孫帝聞褒美之

數年

復罷

其官屬附見大將軍後

○魏晉齊並有之○梁雜號中亦有

○陳後主以蕭摩訶為侍中驃騎大將軍加左光祿大夫特開黃閣施行馬廳事寢堂置鴟尾如三公制○後魏初加大則在三司上太和中制加大則在都督中外諸軍下○後周亦有之○隋開皇中置驃騎將軍府每府置驃騎車騎將軍各二人十七年頒銅獸符於驃騎車騎府煬帝改驃騎為鷹揚郎將改車騎為鷹揚副郎將○大唐復改為車騎驃騎其制如開皇而益復微矣故武德元年詔以軍頭為驃騎將軍軍副為車騎將軍

又詔太子諸率府各置驃騎將軍五員車騎將軍十員

後皆省之顯慶元年乃復

置驃騎大將軍為武散官

### 輔國將軍

後漢獻帝置輔國將軍以伏完為之○晉王濬平吳後拜輔國大將軍有司奏輔國依比未為達官不置司馬不給官騎詔依征鎮給五百大車增兵五百人為輔國營給親騎百人官騎十人置司馬○宋明帝泰始四年改為輔師將軍後廢帝昱元徽二年復故○梁後魏後

周隋並有之○大唐輔國大將軍為武散官

鎮軍將軍以下

鎮軍大將軍魏置文帝以陳羣為之晉則楊駿胡奮並領鎮軍將軍齊後周隋亦有之大唐因之

冠軍將軍魏置以文欽為之蓋因史記楚義帝以宋義為卿子冠軍漢武帝以霍去病功冠三軍封冠軍侯之義也晉亦有之金章紫綬給五時朝服武冠佩水蒼玉

歷代並有

隋文帝置翊軍等四十三號將軍品凡十六等為散號將軍以加汎授居曹有職務者為

執事官無職務者為散官武官上柱國以下為散實官將軍為散號官至煬帝時定今罷之

大唐因

之

雲麾將軍梁置雜號陳及大唐並有之

忠武將軍梁置雜號陳有之大唐因之

壯武將軍梁置雜號陳有之大唐因之

宣威將軍大唐置

明威將軍梁置雜號後魏亦有之大唐因之

定遠將軍梁置雜號大唐因之

寧遠將軍晉置大唐因之

游騎將軍魏置陳有之大唐因之

游擊將軍漢置武帝以蘇建韓說為之後漢鄧晨亦為之晉及陳並有之大唐因之又置懷化大將軍歸德將軍以授蕃官

諸校尉附

漢武帝初置中壘屯騎步兵越騎長水胡騎射聲虎賁等校尉為八校各有司馬○後漢以屯騎越騎步兵長



水射聲為五校皆掌宿衛兵

按大駕鹵簿五校尉在前各有鼓吹一部

各有

司馬

蔡質漢儀曰五營司馬見校尉執版不拜

並屬北軍中候時五校官顯

職閒而府寺寬敞輿服光麗伎巧必給故多以皇族肺

腑居之至靈帝又置西園八校尉

其名曰上軍中軍下軍典軍助軍佐軍及

左右校尉

○自魏晉以下五校之名與後漢同唯後魏五校

各置二十人○中壘校尉

漢掌北軍營壘門內又外掌西域後漢省中壘但置北門

中候掌

屯騎校尉

漢掌騎士後漢初改為驍騎建武十五年復舊

步兵校尉

漢

上林苑門屯兵晉阮籍聞步兵厨營人善釀有貯酒三百斛乃求為之至隋屬鷹揚府

越騎校尉

漢掌越騎越人內附以為騎也後漢初改為青巾右校尉建武十五年復舊長水校尉漢掌

宣曲胡騎宣曲觀名胡騎之屯於宣曲者宋志引韋昭曰長水校尉有胡騎廐近長水故以為名長水蓋關中

小水名也又胡騎校尉漢掌池陽胡騎不常置胡騎主烏桓騎也射

聲校尉漢掌待詔射聲士工射者冥冥中聞聲射則中

虎賁校尉漢掌輕車後城門校尉漢掌京師城門屯兵凡八屯後漢掌洛陽

城門十一所若周禮司門晉干寶注曰如今校尉也驃姚校尉漢武以霍去病為之護烏桓

校尉漢武帝時烏桓屬漢始於幽州部置之擁節監領至後漢亦謂之領烏桓校尉後漢主烏桓胡并領

鮮卑李膺為此官戊己校尉漢元帝初元元年置甲乙丙丁庚辛壬癸皆有正位唯戊己寄治耳

此所置校尉亦無常居故取戊己為名一說戊己居中鎮覆四方漢所置校尉亦處西域之中撫諸國也護

羌校尉

後漢在涼州部持節職如護烏桓主西羌元康中改為涼州刺史

儒林校尉

蜀先

主以周羣為之

南蠻校尉

晉武帝於襄陽置之元康中荊州刺史領江左初省尋又置於江陵齊書

曰齊宋之際刺史多不領南蠻別以重人居之唯齊豫章郡王蒨為南蠻校尉荆湘二州刺史

南夷校

尉

晉武帝於寧州置之及江左改曰鎮蠻校尉

西戎校尉

晉武帝於長安置之元康中改為雍

州刺史安帝義熙中又置治漢中

寧蠻校尉

晉安帝置治襄陽以授魯宗之

護三巴校

尉

宋置齊建元二年改為刺史

武騎尉

屯騎尉

驍騎尉

游騎

尉

飛騎尉

旅騎尉

雲騎尉

羽騎尉

建節尉

奮武尉 宣惠尉 綏德尉 懷仁尉 守義尉

奉誠尉 立信尉都十六尉並隋置以為武散官○昭武振威致果翊衛宣節禦侮仁勇倍戎八校尉各有副尉並大唐採前代諸校尉以下舊名置自鎮軍將軍以下為武散官

勳官

上柱國柱國皆楚之寵官楚懷王使柱國昭陽將兵攻齊陳軫問楚國之法破軍殺將者何以貴之昭陽曰其

官為上柱國是也

陳勝為王蔡賜為上柱國

歷代無聞○至後魏孝

莊以爾朱榮有翊戴之功拜為柱國大將軍位在丞相

上又拜大丞相天柱大將軍增佐吏及榮敗後天柱及

柱國將軍官遂廢

天柱之名尊崇莫大昔王莽末劉伯升起兵自號天柱大將軍而梁末侯

景克建業後亦自為宇宙大將軍都督六合諸軍事

至大統中始以宇文泰為之

其後功參佐命聲實俱重者亦居此職自大統十六年

以前任者凡有八人

宇文泰元欣隴西公緯李弼獨孤信趙貴于謹侯莫陳崇

時宇

文泰任總百揆督中外軍事元欣以魏氏懿戚從容禁

聞而已其餘六人各督二大將軍凡十二大將軍當時  
榮盛莫以為比其稱門閥者咸推八柱國家其後功臣  
位至柱國者衆矣咸是散秩無復統御也○後周建德  
四年增置上柱國大將軍○隋置上柱國柱國以酬勲  
勞並為散官實不理事

楊玄感以父素軍功位至柱國  
與其父俱為第二品朝會則齊

列後文帝乃命  
玄感降一等也

大唐改為上柱國及柱國

秦有護軍都尉漢因之高帝時以陳平為護軍中尉盡

護諸將然則復以都尉為中尉

陳平為護軍中尉人譏  
之曰平受諸將金多者

得善處金少者得惡處

武帝元狩四年以護軍都尉屬大司馬於

時復為都尉矣

成帝綏和元年居大司馬府比司直

哀帝元壽元年更名

曰司寇平帝元始元年更名護軍

初韓安國以護軍將軍擊匈奴趙充國以

大將軍都尉擊武都也

漢東京省班固為大將軍中護軍隸將軍

幕府非漢朝列職魏武帝為丞相以韓浩為護軍史奐

為領軍亦非漢官也建安十二年改護軍為中護軍領

軍為中領軍○魏初因置護軍將軍主武官選隸領軍

晉世則不隸矣

歷代史籍皆云護軍將軍主武官選則領軍無主選之文唯陶藻職官要錄云

領軍將軍主武官選舉而護軍不言主選又引曹昭叔述孝詩叙曰余年三十選中領軍總六軍之要秉選舉之機以此為證今按漢高帝初以陳平為護軍中尉已令主武官選矣故平有受金之譏又魏畧云護軍之官總統諸將主武官選前後當此官者不能止貨賂故蔣濟為護軍時有謠曰欲求牙門當得千匹五百人督得五百匹司馬宣王與濟善聞此聲以問濟濟無以解之及夏侯玄代濟故不能止絕人事及晉景帝代玄為中護軍整頓法度人莫敢犯者又王隱晉書曰景帝為中護軍作選用之法舉不越功吏無私焉又晉起居注云武帝詔曰中護軍職典戎選宜得幹才遂以羊琇為之宋志又云主武官選按此則護軍主選明矣而陶藻所言領軍主選及昭叔之叙者當因省併之際為一時之權宜非歷代之恒制

元帝永昌元年

省護軍并領軍明帝太寧二年復置魏晉江右領護各



領營兵江左以來領軍不復別置營總管二衛驍騎材

官諸營護軍猶別有營也

周顓庾亮王羲之謝安王彪之等並為護軍

○宋

護軍將軍一人掌外軍領護資重者為領軍將軍護軍

將軍資輕者為中領軍中護軍

其官屬有長史司馬功曹主簿五官受命出征

則置參軍

○齊梁陳並有之○北齊護軍府統四中郎將皆

置佐史○隋煬帝十二衛每衛置護軍四人以副將軍

將軍無則一人攝尋改護軍為虎賁郎將○大唐採前

代舊名置上護軍護軍

輕車將軍漢武帝置以公孫賀為之又有輕車校尉梁  
陳後魏北齊亦有輕車將軍大唐採舊名置上輕車都  
尉輕車都尉

騎都尉漢武帝置以李陵為之更始初亦有故時謠云  
爛羊胃騎都尉晉以後歷代皆有之大唐採舊名置上  
騎都尉騎都尉

驍騎尉飛騎尉雲騎尉武騎尉並隋置為武散官大唐  
採置自上柱國以下並為勳官

內官

命婦附

昔帝嚳有四妃以象后妃四星其一明者為正妃餘三小者為次妃帝堯因焉至舜不告而娶不立正妃但三妃而已謂之夫人

離騷所歌湘夫人舜妃也

夏后氏增以三三而九

合十二人春秋說云天子娶十二女即夏制也以虞夏及周制差之則殷人又增以三九二十七合三十九人周人上法帝嚳立正妃又三九二十七為八十一人以增之合百二十一人其位后也夫人也嬪也世婦也女

御也五者相參以定尊卑焉

以上鄭玄所云

故禮曰古者天子

后立六宮三夫人九嬪二十七世婦八十一御妻以聽

天下之內治天子立六官三公九卿二十七大夫八十

一元士以聽天下之外治諸侯之夫人皆命於天子夫

人不命於天子自魯昭公始也

周制同姓百世不婚魯昭娶吳以同姓改謂之

吳孟子故不告於天子天子亦不命

○漢興因秦之稱帝祖母稱太皇太

后帝母稱皇太后正嫡稱皇后

皇后之尊侔於天子璽綬如之凡皇后稱椒房

者詩云椒聊之實繁衍盈升國人羨其繁興以椒塗室亦取溫煖除惡氣也

妾皆稱夫人又

有美人

視二千石比少上造

良人

視八百石比左庶長

八子

視千石比中更

七子

視八

百石比右庶長

長使

視六百石比五大夫

少使

視四百石比公乘

婕妤

武帝加置視上卿比

列姪娥

武帝加置視中二千石比闕中侯

容華

武帝加置視真二千石比大上造

充衣

武帝加置視千石比左更

昭儀

元帝加置位視丞相爵比諸侯王

五官

視三百石順常

百石無涓共和娛靈保林良使夜者

皆視百石

上家人子中家

人子

視有秩斗食五官以下死葬司馬門外

其太子有妃有良娣有孺子

妻妾凡三等子皆稱皇孫皇孫妻妾無位號皆稱家人

○光武中興悉闕此號唯皇后如舊有貴人

貴人金印紫綬美

人宮人采女皆無祿秩四時賞賜而已

漢法常因八月算民遣中大夫

與掖庭丞及相工於洛陽鄉中閱視良家童女年十三以上二十以下姿色端麗合法相者載還後宮擇視可

否

○魏武帝因西漢置夫人昭儀婕妤容華美人文帝

增置貴嬪二人

並位次皇后爵無所視

淑媛

位次御史大夫爵比縣公

修容

比亭

侯

順成

明帝除順成

良人

視千石

明帝又增

淑妃

位視相國爵比諸侯王

修華

比鄉侯

修儀

比關內侯

自夫人以下爵凡十二等

明帝遊宴在內

又選女子六人為女尚書典省外奏事也

○晉因魏制○宋初多因舊制孝

武帝孝建三年置貴妃

比相國

進貴嬪

比丞相

貴人

比三司

以

為三夫人又置昭儀昭容昭華以代修華修儀修容又  
置中才人充衣以為散位其後或省或改不能悉舉廢  
帝即位上明帝陳貴妃尊號曰皇太妃依晉孝武李太  
妃故事置家令一人改諸國太妃曰太妃音怡其江左四

代互相沿襲無大異同

宋前廢帝以新蔡公主號為謝貴妃加虎賁龍旂出警入蹕齊

永明元年有司奏貴妃淑妃並加金章紫綬佩于寢玉

自後魏以下班號謬亂不

足為紀○大唐內官有惠妃麗妃華妃三人

正一品

淑儀

德儀賢儀順儀婉儀芳儀六人

正二品

美人四人

正三品

才

人七人

正四品

宮官有差

初武德九年詔曰王者內職取象天官肇自古昔具有節文未

代奢淫按算無度憫茲深閑久離親族一時減省各從娶聘自是中宮前後所出三千餘人貞觀二年中書舍人李百藥上封事曰竊聞大安宮及掖庭內無用宮人動有數萬衣食之費固自煩多幽閑之寃足傷和氣亢陽為害亦或由茲太宗謂侍臣曰隋氏末年求採無已此皆竭人財力深所不取且灑掃之餘更何所用今將出之任求伉儷非省費息人亦得各遂其性於是令尚書右丞戴胄給事中杜正倫等於掖庭西門簡出之立宗開元二年詔曰古者三夫人九嬪二十七世婦八十御妻以備內職焉朕恭膺大寶頗循舊號而六宮曠位未副於周禮八月算人不行於漢法至如姜后進諫永巷脫簪袁盎有言上林引席此則朕之所慕未曾忘也頃者人頗諠譁流聞道路以為朕求聲色選備掖庭豈余志之未孚何斯言之妄作往緣太平公主輒進人



入宮時以事須順從未能相抑見不賢莫若內省欲止  
謗莫若自修改而更之損之可也妃嬪以下備當簡擇  
使還 ○凡三代之制諸侯之婦曰夫人夫之言扶大夫曰孺  
其家

人孺之言屬士曰婦人婦之言服庶人曰妻妻之言齊公侯有夫人有

世婦有妻有妾貶於天子也無后與嬪去上中邦君之妻君稱之曰夫

人夫人自稱於天子曰老婦自稱於天子謂畿內諸侯之夫人助祭若時事見

自稱於諸侯曰寡小君謂饗來朝諸侯之時自稱於其君曰小童

若云未成人也邦人稱之曰君夫人異邦人稱之亦曰君夫人自世婦以下

者自稱曰婢子婢之言卑也於其君稱此以接見敵體故嫌其當凡婦人無爵

從夫之爵坐以夫之齒

爵謂夫命為大  
夫則妻為命婦

至秦漢婦人始

有封君之號

蔡邕獨斷曰漢異姓婦人以恩澤封者曰  
君比長公主史記曰漢有平原君即景帝

王皇后之母也修成君即武帝母王太后前夫人金氏  
之女也後漢書曰崔駰曾祖母師氏能通經學百家之  
言王莽賜號儀成夫人金印紫綬文軒丹轂顯於新室  
之世又鄧后臨朝爵其太夫人為新野君萬戶供湯沐  
邑薨贈長公主赤綬謚曰敬君又梁冀妻孫壽封為襄  
城君兼食陽翟租歲又入五千萬加賜赤綬比長公主  
又王商夫人陰氏薨追號開封君賜印綬又靈帝封乳  
母宋娥為山陽君五千戶左雄奏曰尚書故事無乳母  
爵邑之制唯孝安皇帝變亂舊典封爵阿母王聖為野  
王君生為天下所咀爵死為天下所歡快初封野王漢  
陽地動今封山陽君京城復震專政在陰其災  
尤急又董卓為相國封其母為池陽君置令丞

公主有

邑司之制

歷代公主各附於王侯篇內

元壽二年始令列侯太夫人

夫人諸侯王子及吏二千石無得擅徵補

如淳曰列侯之妻稱夫人

列侯死子復為列侯乃得稱太夫人子不為列侯則不得稱之晉亦有之羊祜卒二歲而吳平武帝流涕曰此羊太傅之功也因以策告祜廟仍依蕭何故事封其夫人夏侯氏為萬歲鄉君食邑五千戶又太始六年詔太傅壽光公鄭冲太保朗陵公何曾皆假夫人世子印綬食本秩三分之一皆如郡公侯比又王導妻卒贈金章紫綬又虞潭母亦拜為武昌侯太夫人加金章紫綬潭立養堂於家王導以下皆就拜謁又韋逞母宋氏其父授以周官音義逞仕苻堅為太常乃就宋家立講堂其置生員一百二十人隔絳紗幔受業號宋為宣文君其餘多闕

宋鄱陽縣侯孟懷王上母檀拜國夫人有奏許之御史中丞袁豹以為婦人從夫之爵懷王父

綽見任大司農其妻不宜從子奏免尚書右僕射劉抑  
左丞徐羨之即何邵之官詔並贖論後周宣帝令內外  
命婦皆執笏其拜廟及天臺皆俛伏隋高涼女子洗氏  
世為南越首領有功詔冊為高涼郡太夫人賁繡憶油  
絡駟馬安車旌節肉簿一如刺史之儀後冊為燕國  
太夫人仍開燕國太夫人幕府置長史以下官屬 ○

### 大唐外命婦之制

皇帝妃嬪及太子良娣以下為內命婦公主及王妃以下為外命婦今內

命婦具職員令中具制大  
約皆出於漢魏不復重攸

諸王母妻及妃  
嗣王郡王  
母妻亦同 文

### 武官一品及國公

其非始封者帶  
三品以上亦同

母妻為國夫人三品

### 以上母妻為郡夫人四品母妻為郡君

若勳官二品有  
封亦同四品

### 五品母妻為縣君

若勳官三品有  
封者亦同五品

散官同職事若勳官

四品有封母妻為鄉君其母邑號皆加太各視夫子之

品

若夫子兩有官及爵或一人有官及爵者皆從高蔭

其不因夫子別加邑號者

夫人云某品夫人郡君云某品郡君

縣君鄉君准此

諸庶子有

五品以上官封者若嫡母在所生之母不得為太妃以

下

無者聽之其承重者不合

中宗時韋皇后表請諸婦人不因夫子

而加邑號許同見任職事聽子孫用蔭門施棨戟制從

之

武太后時契丹寇平州平州刺史鄭保英妻爰氏率城內女子助守賊遂退封為成節夫人又咸亨元年

贈武太后母為魯國太夫人謚曰忠烈

開元八年五月勅准令王妻為妃

文武官及國公妻為夫人母加太字一人有官及爵者  
聽從高敘但王者名器殊恩或頒異姓妻合從夫受秩  
甲令更無別條率循舊章須依往例自今已後郡嗣及  
異姓王母妻並宜准令為妃貞元六年太常卿崔縱奏  
諸國王母未有封號請遵典故為某國太妃吏部郎中  
柳冕等狀稱歷代故事及六典無公主母稱號伏請降  
於王母一等命為太儀各以公主本封加太儀之上從  
之

通典卷三十四

欽定四庫全書

通典卷三十五

唐 京兆杜佑君卿纂

職官十七

祿秩

幹力 白直 仗身 庶僕 親事 帳內  
執衣 防閤 邑士 士力 門夫等並

附

周班爵祿之制天子一位公一位侯一位伯一位子男  
同一位凡五等也君一位卿一位大夫一位上士一位



中士一位下士一位凡六等  
大國君十卿祿卿祿四大  
夫大夫倍上士上士倍中  
士中士倍下士下士與庶  
人在官者同祿

趙岐曰庶人在官者未命為士者

次國君十卿祿卿祿三

大夫大夫倍上士上士倍  
中士中士倍下士下士與  
庶人在官者同祿小國君  
十卿祿卿祿二大夫大夫  
倍上士上士倍中士中士  
倍下士下士與庶人在官  
者同祿

皆祿足以代耕也

卿祿於君祿皆十分之一大夫於卿各相加士不得耕以祿代耕也

乎周衰諸侯惡其害已而去其籍

諸侯恣行惡其法度之害已而減去其籍

故今周禮司祿之官缺其職也

故其詳不可得而聞矣茲蓋其畧也

孟子

天子之三公之田視公侯天子之卿視伯天子之大夫

視子男天子之元士視附庸

視比也

諸侯之下士祿食九

人中士食十八人上士食三十六人下大夫食七十二

人卿食二百八十八人君食二千八百八十人次國之

卿食二百一十六人君食二千一百六十人小國之卿

食百四十四人君食千四百四十四人次國之卿命於

君者如小國之卿凡制農田百畝百畝之分上農夫食

九人其次食八人其次食七人其次食六人下農夫食

五人庶人在官者其祿以是為差

農夫皆受田於公田肥磽有五等收入不

同也庶人在官者謂府史之屬官長所除不命於天子國君者分或為糞礫古教反故諸侯之下

士視上農夫祿足以代耕也

禮記王制篇

○漢制祿秩自中

二千石至百石各有等差宣帝又益天下吏百石以下

俸十五

漢書曰若食一斛則益五斗又應劭注漢書曰張敞蕭望之言曰夫倉廩實而知禮節衣食足

而知榮辱今小吏俸率不足常有憂父母妻子之心雖欲潔身為廉其勢不能請以什率增天下吏俸宣帝乃

益天下吏俸什二而漢書言十五兩存其說耳至成帝陽朔二年除八百石五

百石秩

除八百就六百綏和二年又益吏三百石以下

俸凡吏比二千石以上年老致仕者三分故祿以一與

之終其身

其時亦有俸錢之差但本史文不具耳故元帝時貢禹上書曰臣為諫議大夫秩八百石

俸錢月九千二百廩食太官又拜為光祿大夫秩中二

二千石俸錢月萬二千祿賜愈多家日以益富

千石

月俸百八十斛二千石百二十斛比二千石百八十斛千石八十斛六百

石

七十斛四百石五十斛比四百石四十斛三百石四十斛比三

百石

三十斛二百石三十斛比二百石二十斛百石十六斛自四

百石至二百石為長吏

吏理也主理其縣內百石以下有斗食佐

史之秩

顏師古曰漢官名秩簿云斗食月俸不滿百石計

日而食一斗三升故云斗食也

是為小吏

本史王莽詔曰自公卿以下

帛一疋予每念之今俸祿一歲六十斛稍以差增上至四輔而為萬斛孟康曰綬八十縷也

○後漢

大將軍三公俸月三百五十斛

風俗通曰漢制三公一歲共食萬石按此則有

出蓋舉大數也

至建武二十六年增百官俸其千石以上減於

西京舊制六百石以下增於舊秩

本史永初四年又減百官及州郡縣俸各

有凡諸受俸皆取半錢穀延平中定制中二千石

月俸錢九

千米七真二千石

錢六千五百

米三十六斛

比二千石

錢五千米

三十四斛千

石

錢四千米三十斛

六百石

錢三千五百米二十一斛

四百石

錢二千五百米十五斛

三百石

錢二千米十二斛

二百石

錢一千米九斛

一百石

錢八百米四斛八斗凡

中二千石丞比千石真二千石丞長史六百石比二千

石丞比六百石令相千石者丞尉皆四百石其六百石

者丞尉皆三百石長相四百石及三百石者丞尉皆二

百石諸侯公主家丞秩皆比三百石諸邊障塞尉諸陵

校尉皆二百石有常例者不署秩

本志

大將軍三公臘賜

錢各二十萬牛肉二百斤粳米二百斛

特進侯以下各有差立春

之日遣使者賜文官司徒司空帛三十疋九卿十五疋

武官太尉大將軍各六十疋執金吾諸校尉各三十疋

武官倍文官

漢官儀

獻帝建安八年頒賜三公以下金帛

由是三年一賜以為常制

本史

○宋氏以來州郡秩俸及

雜供給多隨土所出無有定准永元初詔二品清官以

上應食祿者有二親或祖父母年登七十並給見錢其

郡縣田祿以芒種為斷此前去官者則一年秩祿皆入

前人此後去者悉入後人元嘉末又改此制計月分祿

武帝初即位制凡中二千石加公田一頃○齊氏衆官有僮幹之役而不詳

其制

永明五年制二品清官行僮幹杖不得出十張融坐鞭曹申免官幹

者若門僕之類也

○梁武帝天監初定九品令帝於品

下注一品秩為萬石第二第三品為中二千石第四第

五品為二千石及侯景之亂國用常褊京官文武月唯

別得廩食多遙帶一郡縣官而取其祿秩焉揚徐等大

州比令僕班

揚州督王畿理在建康徐州督重鎮理京口並外官刺史最重者尚書令僕射官品

第三寧桂等小州比參軍班

寧州理建寧今雲南郡桂州理始安今郡並與外官



刺史最輕者公府參軍官品第六也

丹陽郡吳郡會稽等郡同太子詹事

尚書班

丹陽尹理建康吳郡會稽即今郡並列郡重者詹事尚書官品第三也

高原晉康

等小郡三班而已

高原晉康即今郡並列郡最輕者梁武帝定九品後其內官吏為十八班

以班多者為貴同班者即以居下為劣則與品第高下不倫當是其時更以清濁為差耳奉史既畧不可詳審

焉

大郡六班小縣兩轉方至一班品第既殊不可委載

其州郡縣祿米絹布絲綿當處輸臺附倉庫若給刺史

守令等先准其所部文武人物多少由勅而裁凡如祿

秩既通所部兵士給之其家得蓋少諸王諸主出閣就

第婚冠所須及衣裳服飾并酒米魚鮭香油紙燭等並

受官給之王及主壻外祿者不給解任還京仍亦公給

○後魏初無祿秩者至孝文太和八年始班俸祿罷諸

商人以簡民事戶增調三疋穀三斛九升以為官司之

祿均預調為二疋之賦祿行之後賦滿一疋者死其祿

每季一請於是百官受祿有差至十年議定民官依戶

給俸

本史又曰初邊方小郡太守數戶而已一請止六尺絹歲不滿疋

○北齊官秩一

品每歲八百疋

二百疋為一秩

從一品七百疋

一百七十五疋為一秩二

品六百疋

足為一百五十秩

從二品五百疋

足為一百二十五秩

三品

四百疋

為一百二十秩

從三品三百疋

為七十五秩

四品二百四

十疋

為六十秩

從四品二百疋

為五十秩

五品一百六十疋

四十足為一秩

從五品一百二十疋

為三十秩

六品一百疋

二十足為一秩

為一秩

從六品八十疋

為二十秩

七品六十疋

為十五秩

從七

品四十疋

為十秩

八品三十六疋

為九秩

從八品三十

二疋

為八秩

九品二十八疋

為七秩

從九品二十四疋

六足為一秩

祿率一分以帛一分以粟一分以錢事繁者優

一秩平者守本秩間者降一秩長兼試守者亦降一秩  
官非執事不朝拜者皆不給祿州郡縣制祿之法刺史  
守令下車各前取一時之秩上上州刺史歲秩八百疋  
與司州牧同上中上下各以五十疋為差中上降上下  
一百疋中中及中下亦以五十疋為差下上降中下一  
百疋下中下下亦各以五十疋為差上郡太守歲秩五  
百疋降清都尹五十疋上中上下各以五十疋為差中  
上降上下四十疋中中及中下各以三十疋為差下上

降中下四十疋下中下各以二十疋為差上上縣歲  
一百五十疋與鄴臨漳成安三縣同上中上下各以十  
疋為差中上降上下三十疋中中及中下各以五疋為  
差下上降中下二十疋下中下各以十疋為差州自  
長史下逮於史吏郡縣自丞以下逮於掾佐亦皆以帛  
為秩郡有尉者尉減丞之半皆以其所出常調課給之  
自一品以下至流外勲品各給事力一品至三十人下  
流外勲品或以五人為等或以四人三人二人一人為

等繁者加一等平者守本力間者降一等諸州刺史守令以下幹及力皆聽勅乃給其幹出所部之人一幹輸絹十八疋幹身放之力則郡縣白直充○後周制祿秩下士一百二十五石中士以上至於上大夫各倍之上大夫是為四千石卿二分孤三分公四分各益其一公因盈數為萬石其九秩一百二十石八秩至於七秩每二秩六分而下各去其一二秩一秩俱為四十石凡頒祿視年之上下畝至四釜為上年上年頒其正三釜為

中年中年頒其半二釜為下年下年頒其一無年為凶  
荒不頒祿○隋京官正一品祿九百石其下每以百石  
為差至正四品是為三百石從四品二百五十石其下  
每以五十石為差至正六品是為一百石從六品九十  
石以下每以十石為差至從八品是為五十石食封及  
官不判事者并九品皆不給祿其給皆以春秋二季刺  
史太守縣令則計戶而給祿各以戶數為九等之差大  
州六百二十石其下每以四十石為差至於下下則三

百石大郡三百四十石其下每以三十石為差至於下則一百石大縣百四十石其下每以十石為差至於下下則六十石其祿唯及刺史二佐及郡守縣令

本志

帝時嘗以百僚供費不足臺省府寺咸置廨錢收息取

給工部尚書蘇孝慈以為官人爭利非興化之道上表

請罷從之公卿以下及給職田各有差

本志

義寧二年唐

王為相國罷外官給祿每十斛給地二十畝○大唐武

德中外官無祿貞觀二年制有上考者乃給祿其後遂



定給祿俸之制

以民地租充之

京官正一品

七百石

從一品

六百石

正二品

五百石

從二品

四百六十石

正三品

四百石

從三品

三百六十石

石正四品

三百石

從四品

二百六十石

正五品

二百石

從五品

一百石

六十石正六品

一百石

從六品

九十石

正七品

八十石

從七品

七十石

石正八品

六十石

從八品

六十石

正九品

五十石

從九品

五十石

諸給祿者三師三公及太子三師三少若在京國諸司

文武官職事九品以上并左右千牛備身左右太子千

牛並依官給其春夏二季春秋給

凡京文武官每

歲給祿總一十五萬一千五百三十三石二斗自至德之後不給 其在外文武官九品

以上准官皆降京官一等給其文武官在京長上者則

不降

諸給祿應降等者正從一品各以五十石為一等二品三品皆以三十石為一等四品五品皆以二

十石為一等六品七品皆以五石為一等八品九品皆以二石五斗為一等 其俸錢之制京

司諸官初置公廨令行署及番官興易以充其俸貞觀

十二年罷公廨置胥士七千人取諸州上戶為之准防

閑例而收其課三歲一更計員少多而分給焉貞觀十

五年以府庫尚虛勅在京諸司依舊置公廨給錢充本

置令史府史胥士等令迴易納利以充官人俸諫議大夫褚遂良上疏曰為理之本在於擇人不正其原遂差千里往古明經拜職或四科辟召必擇器任使量才命官然則市井子孫不居官吏國家制令憲章三代商賈之人亦不居官位陛下近許諸司令史捉公廨本錢諸司取此色人號為捉錢令史不簡性識寧論書藝但令身能賈販家足貨財錄牒吏部即依補擬大率入捉五十貫以下四十貫以上任居市肆恣其販易每月納利

四千一年凡輸五萬送利不違年滿授職然國家昔常  
笑漢代賣官今開此路頗類於彼在京七十餘司相率  
司別九人更一二載後年別即有六百餘人輸利受職  
伏以陛下理致昇平任賢為政或太學高第或諸州進  
士皆策同片玉經若懸河守先聖之格言慕昔賢之廉  
耻拔十取五量能授官然犯禁違公輒罹刑法况乎捉  
錢令史專主賈販志意分毫之末耳目屢肆之間輸錢  
於官以獲品秩荏苒年歲國家能不使用之乎此人習

與性成慣於求利苟得無恥豈蹈廉隅使其居職何向而可將來之弊宜絕本源臣每周遊之間為國視聽京師庶僚爰及外官異口同詞咸言不便太宗納之停諸司捉錢依舊本府給月俸二十一年復依故制置公廨給錢為之本置令史府胥士等職賈易收息以充官俸永徽元年悉發胥士等更以諸州租庸脚直充之其後又令薄賦百姓一年稅錢依舊令高戶及典正等掌之每月收息以充官俸其後又以稅錢為之而罷其息利

凡京文武正官每歲供給俸食等錢

并防閤庶僕總一及雜錢等

十五萬三千七百二十貫

員外官不在此數

外官則以公廨田

收及息錢等常食公用之外分充月料先以長官定數

其州縣少尹長史司馬及丞各減長官之半尹大都督

府長史副都督別駕及判司准二佐以職田數為加減

其參軍及博士減判司主簿縣尉減縣丞各三分之一

謂內外員外官同正員者祿料賜會食料一事以上並同正員其不同正員者祿賜食料亦同正員餘各給半職田並不給自乾元之後以常內供奉及裏行不帶本

賦不給內外官俸祿各減其半

官者祿俸食料防閣庶僕一事以上並同正官帶官者

聽從多處給若帶外官者依京官給

食料賜會與京官同

諸檢校

及判試知等官不帶内外官者料度一事以上准員外

官同正員例給若檢校及判試知處正官見闕者無給

雜用其職田不應入正官者亦給

其侍御史殿中及監察御史知試並同內

供奉裏儀鳳二年制内外官俸食防閣邑士白直等宜

行例

令王公以下率口出錢以充給焉調露元年九月職事

五品以上者准舊給仗身武太后光宅元年九月以京

官八品九品俸料授簿諸八品每年給庶僕三人九品

二人又有親事帳內

六品七品子為親事八品九品子為帳內限年十八以上舉諸州共

率萬人為之

凡王公以下及文武職事三品以上帶勳官者

則給之

其親事府帳內府官附在王侯篇

三師三公開府儀同三司

一百

三十人

嗣王郡王

一百八人

上柱國帶二品以上職事

九十人帶

三品職事

六十人

柱國帶二品以上職事

七十人

帶三品職

事

六十人

上護軍帶二品以上職事

七十人

帶三品職事

五十人

五護軍帶二品以上職事

六十人

帶三品職事

六十人諸州



縣之官流外九品以上皆給白直二品四十人三品三十人

四品

二十人五品十六人

六品十七人七品

七人其七品佐官六人

八品五人

九品

四人諸州縣官流內九品以上及在外監五品以上

皆給執衣

隨身驅使典執筆硯其監官於隨近州縣取充

二品

十八人

三品

十五人

四品

十二人

五品

九人

六品

各六人

八品

各六人

九品

各三人關津嶽瀆官

並不給

分為三番每周而代

不願代者聽之

初以民丁中男充為

之役使者不得踰境後皆捨其身而收其課課入所配

之官遂為恒制鎮戍之官以鎮戍上中下為差上鎮給

仗身四人中下鎮將副各三人中下鎮副各二人倉曹

兵曹戍主副各一人其仗身十五日一時收資六百四

十開元十年正月省王公以下視品官叅佐及京官五

品以上官仗身職員凡京師文武職事官五品以上給

防閣一品九人二品七人三品四人四品三人五品二人

六品以下給庶僕六品五人七品四人八品三人九品二人公

主邑士八十人郡主六十人縣主四十人特封縣主三十人京官

仕兩職者從多給凡州縣官皆有白直二品四十人三品

三十四品二十五品十六品十七品十八品十九

品四凡諸親王府屬並給士力數如白直其防閣庶僕

白直士力納課者每年不過二千五百執衣元不過一

千文防閣庶僕舊制季分月俸食料雜用即有分諸官

應月給開元二十四年六月乃撮而同之通謂之俸料

一品月俸料六千食料千八百雜用千二百防閣十五

千通計二十四千二品三品月俸五千食料千一百雜

用九百防閣十千通計十七千四品月俸三千五百食

料七百雜用七百防閤六千六百六十七通計十一千  
五百六十七五品月俸三千食料六百雜用六百防閤  
五千通計九千二百六品月俸二千食料四百雜用四  
百庶僕二千五百通計五千三百七品月俸千七百五  
十食料三百五十雜用三百五十庶僕千六百通計四  
千五十八品月俸千三百五十食料三百雜用三百庶  
僕六百通計二千五百五十九品月俸千五十食料二  
百五十雜用二百庶僕四百通計千九百

其數自國初  
以來即有中

間色目或有加減今方為定制

員外官帶同正者不減正員官食料錢

不帶同正者減半

致仕官建中三年九月勅所請半祿料及賜物等並宜從勅出日於本貫

及寄住處州府支給至貞元四年四月勅其宴會及朔望朝參並依恒式自今已後宜准此

諸州縣

不配防人處城及倉庫門各二人須守護者取年十八

以上中男及殘疾據見在數均為番地勿得偏併每番

一旬每城門各四人倉庫門各二人

其倉門每萬石加一人石數雖多不

得過其京兆河南府及赤縣大門各六人庫門各三人

其須修理官解及祇承官人聽量配驅使若番上不到應須徵課者每番閑月不得過一百七十忙月不得過

二百  
文 滿五旬者殘疾免課調中男免雜徭其州城郭之

下戶數不登者通取於他縣總謂之門夫其後舉其名而徵其資以給郡縣之官其門之多少課之高下任土

作制無有常數天寶五載制郡縣白直計數多少同料

錢加稅以充之不得配丁為白直十四載八月制兩京

文武官九品以上正員官自今以後每月給食雜用防

閤庶僕等宜十分率加二分其同正官加一分仍永為

恒式

乾元元年制外官給半料以職田不給料令度支使量閒劇司給手力課員外官一切無料大歷三

年通計京城諸司每月給手力資錢凡四萬七千五百四十六貫四十文並以天下青苗錢充初以常賦不給乃稅人墾田畝十有五錢資用窘急不暇成熟候苗青即征之故謂之青苗錢主其任者為青苗使貞元四年正月勅京文武官員及兩京府縣官總三千七百七貫據元給及雜加每當錢五萬一千四百四貫六百一十七文一年都當六十一萬六千八百五十五貫四百文天寶七載九月勅五品以

上正員清官諸道節度使及太守等並聽常蓄絲竹以展懽娛行樂盛時式覃中外至八載六月勅其男口給使王公家不過二十人其職事官一品不得過十人三品不得過八人四品不得過六人五品不得過四人京

文武清官六品七品不得過二人八品九品不得過一

人

百官家蓄絲竹及給使口並是朝恩  
優寵資給故附於庶僕俸料之後

### 致仕官祿

大唐令諸職事官年七十五品以上致仕者各給半祿  
開元五年十月勅致仕應請物令所由送至宅

### 職田公廨田

古者自卿以下必有圭田圭田五十畝餘夫二十五畝

孟子言古者卿以下至於士皆受田五十畝所以供祭  
祀圭潔也士田謂之圭田所謂惟士無田則亦不祭言



惟士無潔田也井田之民養公田者受百畝圭田半之故五十畝餘夫者一家一人受田其餘老小尚有餘力者受二十五畝半於圭田謂之餘夫也受田者田萊多少有上中下周禮曰餘夫亦如之亦如上中下之制也故王制曰公田藉而不稅藉之言借也借民力治公田美惡取於此不稅民之所自

藉之言借也。借民力治公田。美惡取於此。不稅民之所自。

治也孟子曰夏后氏五十而貢殷夫圭田無征是也猶夫

治也。征稅也。治圭田者不稅。所以厚賢也。此凡藉田之

法以一里之田凡九頃分授八夫則家得一頃其餘一

頃以八十畝均付八家以為公田家得十畝借民力而

治之公則好惡取於是不復侵人所自治之田也故詩

曰雨我公田遂及我私其餘二十畝二家共得五畝以  
為廬舍秦漢之間不詳其制○晉公卿猶各有菜田及  
田騶多少之級然粗舉其制而史不備書其餘歷代多  
缺○後魏孝文太和五年州刺史郡太守并官節級給  
公田○隋文帝開皇中以百僚供費不足咸置解錢收  
息取利蘇孝慈上表請罷於是公卿以下内外官給職  
分田一品給五頃至五品則為三頃其下每以五十畝  
為差又給公解田以供用○大唐凡京諸司各有公解

田司農寺

給二十  
六頃

殿中省

二十  
五頃

少府監

二十  
二頃

太常寺

二十

頃京兆府河南府

各十  
七頃

太府寺

十六  
頃

吏部戶部

各十  
五頃

兵

部內侍省

各十  
四頃

中書省將作監

各十  
三頃

刑部大理寺

各十  
二頃

尚書都省門下省太子左春坊

各十  
一頃

工部

一十  
頃

光祿寺

太僕寺祕書監

各九  
頃

禮部鴻臚寺都水監太子詹事府

各八

御史臺國子監京縣

各七  
頃

左右衛太子家令寺

各六

頃

衛尉寺左右驍衛左右武衛左右威衛左右領軍衛

左右金吾衛左右監門衛太子左右春坊

各五  
頃

太子左

右衛率府太史局

各四頃

宗正寺左右千牛衛太子僕寺

左右司禦率府左右清道率府左右監門率府

各三頃

坊左右內率府率更府

各二頃

在外諸司公廨田亦各有

差大都督府

四十頃

中都督府

三十頃

下都督都護府上州

各三十頃

中州

二十頃

官總監下州

各五十頃

上縣

十頃

中縣

八頃

六頃上牧監上鎮

各五頃

下縣及中下牧司竹監中鎮諸軍

折衝府

各四頃

諸治監諸倉監下鎮上關

各三頃

牙市監諸

屯監上戌中關及津

各二頃其津隸都水使者不給

下關

一頃五十畝

中戌

下戍嶽瀆各一

頃

諸京官文武職事各有職分田一品二十

頃

二品十三頃

三品九頃

四品七頃

五品六頃

六品四頃

七品三頃

五十頃

八品

二頃五  
十畝

九品

二頃

並去京城百里內給其京兆河南

府及京縣官人職分田亦准此

即百里內地少欲於諸  
百里外給者亦聽之

州及都護府親王府官人職分之田亦各有差二品二十

頃

三品十頃

四品八頃

五品七頃

六品五頃

京畿  
縣亦准此

七品四頃

八品

三九品

二頃五  
十畝

鎮戍關津嶽瀆及在外監官五品五頃六

品

三頃五  
十畝

七品

三頃

八品

二頃

九品

一頃五  
十畝

三衛中郎將上

府折衝都尉

各六頃

中府

五頃五畝

下府及諸郎將

各五頃上

府果毅都尉

四頃

中府

三頃五畝

下府

三頃

上府長史別將

各三

頃

中府下府

各二頃五十畝

親王府典軍

五頃

副典軍

四頃

千牛備

身左右太子千牛備身

各二頃

諸軍上折衝府兵曹

二頃中

府下府

各一頃五十畝

其外軍校尉

一頃二十畝

旅帥

一頃

隊正副

各八

十畝皆於領側州縣界內給其校尉以下在本縣及去家

百里內領者不給

其田亦借民佃植至秋冬受數而已

諸職分陸田限三

月三十日稻田限四月三十日以前上者並入後人以

後上者入前人其麥田以九月三十日為限各前人自耕未種後人酬其功直已自種者准租分法其價六斗已下者依舊定不得過六斗並取情願不得抑配開元十年六月勅所置職田本非古法爰自近制是以因循事有變通應湏刪改其內外所給職田止從今年九月以後並宜停給十八年六月京官職田特令准令給受復用舊制自大歷以來關中匱竭時物騰貴內官不給乃減外官職田三分之一以給京官俸每歲通計文武正員員外官及內侍省閑廐五坊南北衙宿衛并教坊內人家糧等凡給米七十萬石





通典卷三十五

欽定四庫全書

通典卷三十六

唐 京兆杜佑君卿纂

職官十八

秩品一

并命數 唐 虞 夏 商 周 秦  
漢 後漢 魏

唐官數闕

尚書曰唐虞建官惟百而鄭玄云虞官六十唐官未聞堯舜同道或皆六十以屬官而言

則皆有百

虞官六十

明堂位曰有虞氏官五十而鄭注云六十

夏官一百二十

明堂位曰夏后氏官百又尚書云夏商官倍則當有二百矣而鄭云百二十今

依鄭說

殷官二百四十

明堂位曰殷官二百而鄭云二百四十今依鄭說

右自殷以上官名制度俱在歷代官制篇

按列國之官並

不在其數

周官有九儀之命正邦國之位九命作伯

上公有功德者加命為二

伯得專征伐五侯九伯者也蓋長諸侯為方伯

八命作牧

侯伯有功德者加命得專征伐於諸

侯又云一州之牧也王之三公亦八命

七命賜國

王之卿六命出封加一等者鄭司農云出

就侯伯六命賜官鄭司農云子男入為卿治一官也鄭玄謂此王六命之卿賜官者得

自置其臣治五命賜則則者地未成國之名也王之大夫四命出封加一等五命

賜之以方百里二百里之地也方三百里以上為成國王莽時以二十五成為則方五十里與夏五十里

同四命受器受祭器為上大夫也鄭玄謂此公之孤始得有祭器者也三命受位

受下大夫之位也鄭玄謂此列再命受服受祭衣服為上士也

鄭元謂此受元冕之一命受職始命為正吏謂列國公侯伯之士也於子

男為大夫一云受職事

右内外官六萬三千六百七十五人内二千六百四十三人外

諸侯國官六萬內職掌府史胥徒賈人工人奄寺一千三十二人

罪閭蠻夷貉等五隸醫人圉人虎士視瞭力召反及

奚漿籩醢醢鹽冪酒桃春枕饅枕音由饅音熾熟食也爾

雅云酒食也女職一萬五千九百五十人都計內外官

及內職掌人七萬九千六百二十五人其旄人舞者及太祝

巫覡閭人每門及園世婦每宮等官職并冬官人數及外職掌人並闕按帝王世紀云湯受命有三

千餘國又按王制云殷時天下諸侯國千七百七十三當是殷氏政衰諸侯相并季末之時所存之

國耳大國二百四十九次國五百一小國一千二十三大國次國則皆三卿五下大夫二十七上士

惟小國二卿其大夫與士如大國次國之數大凡列國卿大夫士有六萬一千三十二人及周初有千八百國列國卿大夫士大約與殷不異罷侯置守郡縣官吏百姓之所奉豈非勤乎

周制非二王之後列國諸侯其爵無至公者也當周之

世有功之臣無如太公周公者然封爵皆為侯

詩云穆穆魯侯

又曰齊侯之子是也

而春秋有虞公虢公州公者或因殷之舊爵

或嘗為天子之官子孫因其號耳非周之典制也故天

子三公八命卿六命大夫四命上士三命中士再命下

士一命天子三公加命則為方伯九命卿加一命則出

為侯伯七命大夫加一命則出為子男五命天子元士  
出封為附庸加一命為四命大夫以下德盛者出則爵  
命並加士則德未周備但得進命不進爵也是以卿出  
則為侯伯大夫出則為子男皆爵命並進士出為附庸  
但得進命故附庸之君猶稱名與士同故春秋傳云附  
庸之君名也二王之後本非出加之例直以承祀先代  
故九命為上公其有功之臣皆為侯伯七命而已若王  
之子弟及異姓之有大功德而封爵不過侯但得進地

故齊魯之國皆以侯爵而受上公之地五百里之封若  
列土侯伯有賢能之德而又有功者則加一命為牧故  
春官之職云八命作牧子男之君則五命上公之孤四  
命卿三命大夫再命士一命大國之卿三命大夫再命  
次國之卿三命大夫再命士一命小國之卿再命大夫  
一命其士不命凡士一命而受爵周禮爵及命士故云  
一命而受爵有受爵有受命者必有職故周禮云一命  
受職明一命之士職爵俱有也再命受服於君不自為



也然則一命者其服自為也一命尚受職再命不言自明耳三命受車馬三命謂侯伯之卿也再命已受服於君則三命之卿受服不疑矣而復別受車馬於君故曲禮云夫為人子三賜不及車馬明其三命得受車馬之義然三命之卿則有命於天子之禮故周禮云三命受位明諸侯之卿受三命者皆有列位於王朝也則小國之卿再命者雖得命於天子於王朝未有列位也三命之卿始受車馬則再命以下車馬自為之也若君特賜

者不在其例四命受器謂公之孤卿受祭器於公四命  
始受器三命以下皆自為之也故禮記云有田祿者先  
為祭器三命以上既受祭服四命者受服亦可明矣三  
命之卿尚有列位於王四命亦可知也凡次國之君不  
過七命小國之君不過五命凡自稱者伯曰天子之臣  
分陝之伯諸侯之於天子曰某土之守臣某守音手在邊邑

曰某屏之臣某公子曰臣孽孽音五士曰傳遽之臣於

大夫曰外私傳遽以車馬給使者也士臣於大夫者曰私人也列國之大

夫入天子之國曰某士

亦謂諸侯之卿也三命以下天子士也某士者若晉韓起聘於

周儉者曰晉士起也

自稱曰陪臣某

陪重也

於外曰子

子有德之稱也經曰高子

來盟於某國曰寡君之老使自稱曰某

使謂使人於諸侯也某名也

秦制爵二十等以賞功勞

其十八等自大庶長以下又似官也

右具封爵篇其帥人皆更卒也有功賜則在軍吏

之例自公大夫以上令丞與亢禮

言從公大夫以上人與令丞亢

禮亢者當也言高下相當無所卑屈

漢官秩差次

二漢並有秦二十等爵然以為功勞之賞非恒秩也丞相太尉司徒司空諸將軍及

諸侯王國官  
不在此目

中二千石

月百八十斛  
王莽改曰卿

御史大夫

太常

光祿勳

衛尉

太僕

廷尉

大鴻臚

宗正

大司農

少府 執金吾

二千石

月百二十斛亦曰真二千石  
王莽改為上大夫

太子太傅

少傅

將作大匠

太子詹事

大長秋

典屬國

水衡

都尉

京兆尹

左馮翊

右扶風

司隸校尉

城門校尉

中壘校尉

屯騎校尉

步兵校尉

越騎校尉

長水校尉

胡騎校尉

射聲校尉

虎賁校尉

州牧

郡太守

比二千石

月百斛王莽改為中大夫

丞相司直

光祿大夫

光

祿中郎五官左右三將

光祿虎賁中郎將

光祿

中郎將騎都尉

西城都護副校尉

奉車都尉

駙馬都尉

郡尉

千石

月八十斛王莽改為下大夫

丞相長史

大司馬長史

御

史中丞

更名御史長史

前後左右將軍長史

太常丞

光

祿勲丞 衛尉丞 太僕丞 廷尉左右監 大鴻

臚丞 宗正丞 大司農丞 少府丞 執金吾丞

太子衛率 萬戶以上縣令

比千石 光祿太中大夫 光祿郎中車戶騎三將

光祿謁者僕射 光祿虎賁郎

八百石 成帝除八百石秩 太子家令

比八百石 光祿勲諫議大夫

六百石 月七十斛王莽改曰元士 衛尉公車司馬令 衛士令

旅賁令 廷尉左右平 太子門大夫 太子庶子

將作大匠丞 太子詹事丞 水衡都尉丞 京

兆尹丞 左馮翊丞 右扶風丞 州刺史 郡丞

郡長史 郡尉丞 次萬戶以上縣令

比六百石 月六十斛 太常太卜博士 光祿議郎中郎

光祿謁者掌賓贊受事員 西域都護丞 司馬侯

五百石 成帝除五百石秩王莽復置改為命士 減萬戶縣長

四百石 月四十五斛自四百石至二百石為長吏王莽改為中士 太子中盾 萬

戶以上縣丞 次萬戶以上縣丞 減萬戶縣丞

比四百石 光祿侍郎

三百石

月四十斛王莽改為下士

次減萬戶縣長

比三百石

月三十斛

光祿郎中

二百石

月三十斛

萬戶以上縣尉

次萬戶以上縣尉

減萬戶縣尉

百石

自百石以下有斗食佐史之秩為少吏王莽改百石秩曰庶士

右漢吏員自佐史至丞相凡十三萬二百八十五



人哀帝時  
官數

命數未計

漢魏以降逮於周隋既多無注解或傳寫訛舛外有義理難

明雖研覈莫辨今但約其本史聊存一代之制他皆類此覽之者幸察焉

後漢官秩差次

此制初因其舊以後錢穀兼給其舊數增減不同事具祿秩篇其太傅三公大

將軍驃騎大將軍並不在此目

中二千石

月百八十斛

太常 光祿勳 衛尉 太僕

廷尉 大鴻臚 宗正 大司農 少府 執金吾

注云比二千石

太子太傅 河南尹 京兆尹 左馮翊

右扶風

二千石

月百二十斛

度遼將軍

大長秋

太子少傅

將作大匠

司隸校尉

州牧

凡州所監都為京

都置尹

郡太守

皇子封王國傳

相

皇太子

封王國御史大夫及諸卿

比二千石

月百二十斛

都護將軍

大將軍營五部校尉

光祿五官中郎將

光祿左中郎將

光祿右中郎

將 光祿虎賁中郎將

光祿羽林中郎將

光祿

大夫

少府侍中

漢官秩云千石

少府中常侍

城門校尉

北軍屯騎校尉 北軍越騎校尉 北軍步兵校

尉 北軍長水校尉 北軍射聲校尉 每王屬國

都尉 護烏桓校尉 護羌校尉 皇子封王國中

尉

千石月八十斛太傅長史 太尉長史 司徒長史 司

空長史 大將軍長史 光祿太中大夫注云秩比二千石

廷尉正左監 少府中常侍 少府尚書令 少府

御史中丞 太子家令 大長秋 中宮僕 太子

率更令 太子僕 城門司馬 城門平屯司馬

北軍屯騎校尉司馬 北軍越騎校尉司馬 北軍

步兵校尉司馬 北軍長水校尉司馬 胡騎司馬

北軍騎射聲校尉司馬 右扶風京兆每大縣令

雒陽令 皇太子封王國郎中令 僕

比千石 大將軍司馬 太常丞 光祿丞 光祿

謁者僕射 衛尉丞 衛尉宮掖門司馬 太僕丞

鴻臚丞 宗正丞 司農丞 少府丞 使匈奴

中郎將 執金吾丞

注云漢官秩云六百石

六百石

月七十斛

大將軍從事中郎

度遼將軍長史

度遼將軍司馬

太常贊饗

太常太史令

太常

博士祭酒

太常太祝令

太常太宰令

太常大

予樂令

太常高廟令

太常光武廟令

太常前

帝陵每陵園令

太常先帝陵每陵食官令

光祿

左右僕射

左右陞長

光祿羽林左監

光祿羽

林右監

光祿中散大夫

注云秩一千石

光祿諫議大夫

光祿議郎 光祿常侍謁者公府掾 衛尉公車司

馬令 衛尉南宮衛士令 衛尉北宮衛士令 衛

尉左右都候 太僕考功令 太僕車府令 太僕

未央廐令 太僕承華廐令 廷尉左平 鴻臚大

行令 宗正諸公主每主家令 宗正諸公主每主

主簿 僕 私府長 大司農部丞 大司農太倉

令 大司農平準令 大司農導官令 少府太醫

令 少府太官令 少府守宮令 少府上林苑令

少府給事黃門侍郎 少府小黃門侍郎 少府

小黃門令 少府中黃門冗從僕射 少府掖庭令

少府永巷令 少府御府令 少府祠祀令 少

府鉤盾令 少府濯龍監 少府中藏府令 少府

內謁者令 少府尚方令 少府尚書僕射 少府

尚書令 少府符節令 少府治書侍御史 少府

侍御史 執金吾武庫令 大長秋丞 大長秋中

官謁者令

注本曰四百石

大長秋中官尚書 大長秋中官

私府令

注曰秩千石

大長秋中官永巷令

大長秋中官

黃門冗從僕射

大長秋虎賁官騎下中官官署令

太子倉令

太子食令

太子門大夫

太子中

庶子

將作丞

將作左校令

將作右校令

城

門每門候

北軍中候

州刺史

右扶風京兆每

次縣令

護烏桓校尉擁節長史

司馬

護羌校

尉擁節長史

司馬

比六百石

月六十斛又云五十斛

大將軍典軍候

光祿五官



中郎

又云比三百石

光祿左中郎

光祿右中郎

光祿虎

賁中郎

光祿常侍謁者

太子洗馬

皇子封王

國治書

四百石

月五十斛又云四十五斛

光祿給事謁者

少府太官丞

少府黃門署長

畫室署長

內署長

少府直

里監

少府尚書左右丞

少府侍郎

大司農雒

陽市長

大長秋中宮藥長

太子庶子

太子廐

長太子中盾

太子衛率

右扶風京兆每次縣

長 雒陽縣丞 皇太子封王國禮樂長 衛士長

醫士長 永巷長 祠祀長

比四百石

月四十五斛後漢百官志云四十斛

太尉東西曹掾 光祿

五官侍郎 光祿左侍郎 光祿右侍郎 光祿虎

賁侍郎 皇子封王國謁者

三百石

月四十斛

太常先帝陵每陵食監丞 宗正諸公

主每主家丞 少府鈎盾丞 永安丞 鴻臚大行

治禮郎 大司農丞 揖讓擢丞 右扶風京兆每

小縣長 侯國相

比三百石 月三十  
七斛 太尉諸曹餘掾 光祿五官郎中

光祿左郎中 光祿右郎中 光祿虎賁郎中

光祿羽林郎中 光祿灌謁者郎中 少府中黃門

二百石 月三十  
斛 太常太史丞 明堂及靈臺丞 衛尉

史 太僕文學史 少府文學史 一人二  
百石 少府苑中

丞 右史南園丞 少府令史 少府符節令史

廷尉史 鴻臚史 宗正史 一人二  
百石 大司農直丞

大司農雒陽市丞 執金吾史 太子舍人 河南

尹員外 皇子封王國郎中

比二百石 月二十  
七斛 大將軍屯長 太尉屬 光祿節

從虎賁

百石 月十  
六斛 太尉令史 中興以後  
不說石數 太常史 太常太史

吏 太常大予樂吏 光祿員外 衛尉文學吏

太僕吏 少府吏 五人  
百石 少府蘭臺令史 廷尉文學

吏 鴻臚文學吏 宗正文學吏 四人  
百石 大司農文學

吏 大司農雒陽市吏 執金吾文學吏 司隸校

尉州功曹從事 別駕從事 簿曹從事 兵曹從

事 其餘部郡國從事

每郡有之

州曹諸掾 河南尹公

右平史 雒陽員外 鄉有秩三老

斗食

月十一斛

太常明堂員吏 太常大予樂令員吏

光祿勳卿員吏 衛尉卿員吏 太僕卿員吏 大

鴻臚卿員吏 大司農雒陽市吏

四人百石

少府卿員吏

執金吾員吏 雒陽令員吏

佐史

月八斛

太常佐

太常太祝佐

太常明堂佐

光祿佐

衛尉佐

太僕佐

廷尉佐

大鴻臚佐

大鴻臚大行令佐

宗正佐

大司農佐

雒陽

市佐

執金吾佐

少府佐

雒陽縣佐史

右内外文武官七千五百六十七人

一千五十五人内六千五

百一十人外

内外諸司職掌人一十四萬五千四百一

十九人

一萬四千二百二十五人内職掌令史御屬從事職佐員吏待詔卒騎治禮郎假佐

官騎及鼓吹宰者屠者士衛緹騎導從領士烏桓騎等一十三萬一千一百九十四人外職掌員吏

書佐假佐亭長鄉有秩三老游徼家什等都計內外官及職掌人十五

萬二千九百八十六人其內有里魁里數及命數

未詳

魏官置九品

自魏以下並為九品其祿秩差次大約亦如漢制已列品第不可重出

第一品

黃鉞大將軍三公諸國王公侯伯子男爵大

丞相

第二品

諸四征四鎮車騎驃騎將軍 諸大將軍

第三品

侍中 散騎常侍 中常侍 尚書令 左右僕射

尚書 中書監令 秘書監 諸征鎮安平將軍

光祿大夫 九卿 司隸校尉 京兆河南尹

太子保傅 大長秋 太子詹事 中領軍 諸縣

侯爵 龍驤將軍 征虜將軍 輔國將軍

第四品



城門校尉 武衛 左右衛 中堅 中壘 驍騎

游騎 前軍 左軍 右軍 後軍 寧朔 建

威 建武 振威 振武 奮威 奮武 揚武

廣威 廣武 左右積弩 積射 強弩等將軍

護軍監軍 五營校尉 南北東西中郎將 御史

中丞 都水使者 州領兵刺史 越騎烏桓諸匈

奴護羌蠻夷等校尉 諸鄉侯爵

第五品

給事中 給事黃門侍郎 散騎侍郎 中書侍郎

謁者僕射 虎賁中郎將 符節令 冗從僕射

羽林監 太子中庶子 太子庶子 太子家令

太子率更令 僕 衛率 諸軍司北軍中候

都督 護軍 西域校尉 西戎校尉 禮見諸將

軍 鷹揚 折衝 輕車 虎烈 宣威 威遠

寧遠 伏波 虎威 凌江等將軍 太學博士

將兵都尉 牙門將 騎督 安夷撫夷護軍 郡

國太守相內史 州郡國都尉 國子祭酒 諸亭

侯爵 州單車刺史

第六品

尚書左右丞 尚書郎中 祕書郎 著作丞郎

治書侍御史 部曹侍御史 諸督軍 奉車駙馬

都尉 諸博士 公府長史司馬 驃騎車騎長史

司馬 廷尉正監評 將兵助郡尉置司馬史卒者

諸護軍 太子侍講門大夫 太子中舍人 太

子常從虎賁督司馬督 水衡典虞牧官都尉 司

鹽都尉 度支中郎將校尉 司竹都尉 材官校

尉 驃騎車騎衛將軍府從事中郎 四征鎮公府

從事中郎 公車令 諸縣署令千石者 千人督

校尉 督守殿內將軍 殿內典兵 黃門冗從僕

射 諸關內名號侯爵 諸王公友

第七品

期門郎 諸國公謁者 殿中監 諸卿尹丞 諸

獄丞 太子保傅丞 詹事丞 諸軍長史司馬秩

六百石者 護羌戎蠻夷越烏桓校尉長史司馬

諸軍諸大將軍正行參軍 諸持節督正行參軍

二品將軍正行參軍 門下督 中書通事舍人

尚書曹典事 中書佐著作 太子洗馬 北軍候

丞 城門五營校尉司馬 宜禾伊吾都尉 度支

都尉 典農都尉 諸封公保傅相郎中令及中尉

大農監 淮海津都尉 諸國文學 太子食官

令舍人 單于率正 都水參軍 諸縣令相秩六

百石以上者 左右都尉 武衛左右衛長史司馬

京城門候 諸門候副 散牙門將 部曲督

殿中中郎將校尉 尚藥監 尚食監 太官食監

中署監 南北軍監 中廷御史 禁防御史

小黃門諸署長僕謁者 藥長寺人監 靈芝園監

黃門署丞 中黃門 太中中散諫議三大夫

議郎 三臺五都侍御史 太廟令 諸公府掾屬

諸府記室 督主督受除遣者 符璽郎 門下  
郎 中書主事通事 散騎集書 公主及諸國丞  
萬戶以上典書令及家令 符節御史

第八品

尚書中書祕書著作及主書主圖主譜史 太常齋  
郎 京城門郎 四平四安長史司馬 三品四品  
將軍正行參軍 郡國太守相內史中丞長史 西  
域戎部譯長 諸縣署令千石以上者丞 州郡國

都尉司馬 司鹽司竹監丞 水衡典虞牧材官都

尉司馬 祕書校書郎 東宮摘句郎 諸雜署長

史 關谷長 王公妃公主家令 諸部護軍司馬

王郡公諸雜署令 國子太學助教 諸京城四

門學博士 諸國常侍侍郎 殿中都尉司馬 諸

部護軍司馬 殿中羽林郎 左右度支 中郎將

司馬 黃門從官 寺人中郎郎中 諸雜號宣威

將軍以下五品將軍長史司馬 蘭臺謁者 都水



使者令史 門下禁防 金鼓幢麾城門令史 校

尉部司馬 軍司馬 假司馬 諸鄉有秩三老

司馬史從掾 諸州郡防門 尚書中書祕書令史

第九品

蘭臺殿中蘭臺謁者及都水使者書令史 諸縣長

令相 關谷塞尉 倉庫河津督監 殿中監典事

左右太官督監內者 總章戲馬監 諸紙署監

王郡公郡諸署長 司理治書 異族封公世子

庶子諸王友國謁者大夫諸署丞 諸王太妃及公

主家僕丞 公主行夜督郎 太廟令行夜督郎

太子掌固 主事候郎 王官舍人 副散部曲將

武猛中郎將 校尉部司馬軍司馬假司馬 諸

鄉有秩 司徒史從掾 諸州郡防門

右官數及命數未詳

通典卷三十六

欽定四庫全書

史部  
通典卷三十七

詳校官侍郎<sub>臣</sub>李封

編修<sub>臣</sub>程嘉謨覆勘

覆校官助教<sub>臣</sub>吳省蘭

校對官助教<sub>臣</sub>金學詩

謄錄監生<sub>臣</sub>金特

欽定四庫全書

通典卷三十七

唐 京兆杜佑 君卿纂

職官十九

秩品二 并命數○晉 宋 齊 梁

晉官品

第一品

公 諸位從公 開國郡公縣公爵

第二品

特進 驃騎車騎衛將軍 諸大將軍 諸持節都

督 開國縣侯伯子男爵

第三品

侍中 散騎常侍 中常侍 尚書令 僕射 尚

書 中書監令 祕書監 諸征鎮安平將軍 鎮

軍撫軍前後左右征虜輔國龍驤等將軍 光祿大

夫 諸卿尹 太子保傅 大長秋 太子詹事

司隸校尉 中領軍 中護軍 縣侯爵

第四品

武衛 左右衛 中堅 中壘 驍騎 游擊前軍

左軍 右軍 後軍 寧朔 建威 振威 奮

威 廣威 建武 振武 揚武 廣武 五營校

尉 左右積弩 積射 強弩 奮武等將軍 城

門校尉 護軍監軍 東西南北中郎將 州刺史

領兵者 護匈奴中郎將 護羌戎夷蠻越烏桓校

尉 御史中丞 都水使者 鄉侯爵

第五品

給事中 給事黃門 散騎 中書侍郎 謁者僕

射 虎賁中郎將 冗從僕射 羽林監 太子中

庶子 庶子 家令 率更令 僕 衛率 諸軍

司 北軍中候 都督 護軍 護匈奴中郎 西

域代部護羌烏桓等校尉 禮見諸將軍 鷹揚

折衝 輕車 武牙 威遠 寧遠 虎威 材官



伏波 凌江等將軍 牙門將 騎督 安夷撫  
夷護軍 郡國太守相內史 州郡國都尉 亭侯  
爵

第六品

尚書左右丞 尚書郎 治書侍御史 侍御史

諸督軍糧 奉車駙馬騎等都尉 諸博士 公府

長史司馬 從事中郎 二品將軍及諸大將軍特

進都督中護軍長史司馬 廷尉正監平 祕書郎

著作郎 丞郎 黃沙治書侍御史 諸護軍長

史司馬 水衡典虞牧官典牧司鹽都尉 太子門

大夫 度支中郎將校尉都督 材官校尉 王郡

公侯郎中令 中尉 大農 王傅師及國將軍

諸縣置令秩千石者 太子侍講門大夫 中舍人

司馬督 太子常從虎賁督千人督校尉 督守

殿中將軍 黃門令 黃門冗從僕射 關內名號

侯爵

第七品

殿中監 諸卿尹丞 符節御史 獄丞部丞 黃

沙典事 太子保傅詹事丞 諸軍長史司馬秩六

百石者 護匈奴中郎將護羌戎夷蠻越烏桓校尉

長史司馬 北軍中候丞 城門五營校尉司馬

宜禾伊吾都尉 公保傅相郎中令 淮海津都尉

門下中書通事舍人 尚書曹典事 太子洗馬

食官令舍人 黃門中郎將校尉都督 諸縣置

令六百石者 左右都候 閭闔門司馬 城門候

尚藥監 大官食監 中署監 小黃門 諸署

令僕射謁者 藥長寺人監 副牙門將 部曲部

督殿中 中黃門尉都尉 黃門諸署丞長史 中

黃門 太中中散諫議大夫議郎 關外侯爵

第八品

門下中書主事通事 散騎集書中書尚書祕書著

作治書主書主圖主譜令史 郡國相內史丞長史

烏桓西域代部騎馬 西安四平長史司馬 水  
衡典虞牧官 典牧材官 州郡國都尉司馬 司  
鹽司竹監丞 諸縣令長相 關谷長 諸縣署令  
千石之丞尉 王郡公侯諸侍郎諸雜署令 王太  
妃公主家令 副散督司馬長史 部曲將郡中都  
尉司馬 羽林郎 黃門從官 寺人中郎郎中  
雜號宣威將軍以下

第九品

蘭臺謁者都水黃沙令史 門下散騎中書尚書祕

書令史 殿中蘭臺謁者都水黃沙書令史 諸縣

署令長相之丞尉 關谷塞護道尉 王郡公侯諸

署長 司理治書謁者中大夫署丞 王太妃公主

家丞 僕舍人 副散部曲將 武猛中郎將校尉

別部司馬 軍司馬 軍假司馬

右内外文武官六千八百三十六人

内八百九十  
四人外五千

九百四  
十二人 内外諸色職掌一十一萬一千八百三十

六人

百八十九人內職掌據史所載數門亭長書佐書吏卒騶等其餘色目史闕一十一萬一

千六百四十七人外職掌王國及州縣職吏散吏鄉里吏等都計內外官及職

掌人一十一萬八千六百七十二人又每四鄉置一畾夫及鄉據大小戶口數多少等級置治書史及佐正等數并命數未詳

## 宋官品

### 第一品

太傅 太保 太宰 太尉 司徒 司空 大司

馬 大將軍 諸位從公

第二品

特進 驃騎 車騎 衛將軍 諸大將軍 諸持  
節都督

第三品

侍中 散騎常侍 尚書令 僕射 尚書 中書  
監令 祕書監 諸征鎮至龍驤將軍 光祿大夫  
諸卿尹 太子二傅 大長秋 太子詹事 領



護軍 縣侯爵

第四品

二衛至五校尉 寧朔至五威五武將軍 四中郎將  
刺史領兵者 戎蠻校尉 御史中丞 都水使者  
鄉侯爵

第五品

給事黃門 散騎中書侍郎 謁者僕射 三將  
積射強弩將軍 太子中庶子 三卿 率 鷹揚

至凌江將軍 刺史不領兵者 郡國太守內史相

亭侯爵

第六品

尚書丞郎 治書侍御史 侍御史 三都尉 博

士 撫軍以上及持節都督領軍長史司馬 公府

從事中郎將 廷尉正監評 祕書著作丞郎 王

國公三卿師友文學 諸縣署令千石者 太子門

大夫 殿中將軍司馬督 雜號護軍 關中侯爵

第七品

謁者 殿中監 諸卿尹丞 太子傅詹事率丞  
諸軍長史司馬六百石者 諸府參軍 戎蠻府長  
史司馬 公府掾屬 太子洗馬 食官令舍人  
諸縣令六百石者

第八品

內臺正令史 郡丞 諸縣署丞 雜號宣威將軍  
以下

第九品

內臺書令史 外臺正令史 諸縣署丞尉

右內外文武官六千一百七十二人

八百二十三  
人內五千三

百四十  
九人外

內職掌人門亭長孝經師月令律令師及

書佐等一千四百六十一人都計內外官及職掌

人七千六百三十三人其京都臺省監寺及府衛

等府令史并諸色職掌人未詳其州署人各隨州

舊定無制亦不可得而知也命數亦未詳

齊官品 未詳

右内外文武官二千六十三人

九百四十七人内一千一百一十六

人外州刺史及官屬并太守内史相縣令相寧蠻等校尉中郎將護軍等其中書省及

令史司徒府門下省尚書祕書省蘭臺諸曹内

外督令史并太廟明堂太祝太史廩犧等職吏

本志

但有名目外州佐史郡縣官屬佐史等名目及數

并命數並未詳

梁官品

秩祿之差亦如前代更定十八班

十八班

丞相 太宰 太傅 太保 大司馬 大將軍

太尉 司徒 司空

十七班

諸將軍開府儀同三司 左右光祿開府儀同三司

十六班

尚書令 太子太傅 左右光祿大夫

十五班

尚書左僕射 太子少傅 尚書右僕射 中書監

特進 領護將軍

十四班

中領護軍 吏部尚書 太子詹事 金紫光祿大

夫 太常卿

十三班

中書令 列曹尚書 國子祭酒 宗正 太府卿

光祿大夫

十二班

侍中 散騎常侍 左右衛將軍 司徒左長史

衛尉卿

十一班

御史中丞 尚書吏部郎 祕書監 通直散騎常

侍 太子左右衛將軍 左右驍擊 太中大夫

皇弟皇子師 司農少府廷尉卿 太子中庶子

光祿卿



十班

給事黃門侍郎 員外散騎常侍 皇弟皇子府長

史 太僕 大匠 太子家令 率更令 僕 揚

州別駕 中散大夫 司徒右長史 雲騎游騎

皇弟皇子府司馬 朱衣直閤將軍

九班

尚書左丞 鴻臚卿 中書侍郎 國子博士 太

子庶子 揚州中從事 皇弟皇子公府從事中郎

大舟卿 大長秋 皇弟皇子府諮議 嗣王府  
長史 前左右後四軍及嗣王府司馬 庶姓公府  
長史司馬

八班

祕書丞 太子中舍人 司徒左西掾 司徒屬  
皇弟皇子友 散騎常侍 尚書右丞 南徐州別  
駕 皇弟皇子公府掾屬 皇弟皇子單為二衛司  
馬 嗣王庶姓公府掾從事中郎 左右中郎將

嗣王庶姓公府諮議 皇弟皇子之庶子府長史

蕃王府長史司馬 庶姓持節府長史司馬

七班

五校 東宮三校 皇弟皇子之庶子府中錄事

中記室中直兵參軍 南徐州中從事 皇弟皇子  
之庶子府蕃王府諮議

六班

太子洗馬 通直散騎侍郎 司徒主簿 尚書侍

郎 著作郎 皇弟皇子府功曹史 五經博士

皇弟皇子府錄事記室中兵參軍 皇弟皇子荆江  
雍郢南兗五州別駕 領護軍長史司馬 嗣王庶  
姓公府掾屬 南臺治書侍御史 廷尉三官 謁  
者僕射 太子門大夫庶姓府諮議 嗣王府庶姓  
公府錄事中記室中直兵參軍

五班

尚書郎中 皇弟皇子文學及府主簿 太子太傅

少傅丞 太常丞 皇弟皇子湘荆河司益廣青衡

七州別駕 皇弟皇子荆江雍郢南兗五州中從事

嗣王庶姓荆江雍郢南兗五州別駕 皇弟皇子

國郎中令 三將東宮二將嗣王府功曹史 庶姓

公府錄事記室中兵參軍 皇弟皇子之庶子府蕃

王府中錄事記室中直兵參軍

四班

給事中 皇弟皇子府正參軍 中書舍人 建康

三官 皇弟皇子北徐北兗梁交南梁五州別駕

皇弟皇子湘荆河益廣嗣王庶姓荆河嗣王庶姓荆

江雍郢南兗五州中從事 宗正太府衛尉司農少

府廷尉太子詹事等丞 積射強弩將軍 太子左

右積弩將軍 嗣王國郎中 皇弟皇子之庶子府

蕃王府功曹史 皇弟皇子之庶子府蕃王府錄事

記室中兵將軍 嗣王府庶姓公府主簿

三班

太子舍人 司徒祭酒 皇弟皇子公府祭酒 員

外散騎侍郎 皇弟皇子府行參軍 太子太傅少

傅五官功曹主簿 二衛司馬 公車令 胄子律

博士 皇弟皇子越桂寧霍四州別駕 皇弟皇子

北徐北兗梁交南梁五州中從事 嗣王庶姓北徐

北兗梁交南梁五州別駕 湘荆河司益廣青衡七

州中從事 皇弟皇子之庶子府蕃王府主簿 嗣

王庶姓公府正參軍 光祿丞 皇弟皇子國中尉

太僕大匠丞 嗣王國大農 蕃王國郎中令

北館令 庶姓持節府中錄事中記室中直兵參軍

二班

祕書郎 著作佐郎 揚南徐州主簿 嗣王庶姓

公府祭酒 皇弟皇子單為領護詹事二衛等五官

功曹主簿 太學博士 皇弟皇子國常侍 奉朝

請 國子助教 皇弟皇子越桂寧霍四州中從事

皇弟皇子荆江雍郢南兗五州主簿 嗣王庶姓



越桂寧霍四州別駕 嗣王庶姓北徐北兗梁交南

梁五州中從事 鴻臚丞 尚書五都令史 武騎

常侍 明堂二廟帝陵令 嗣王庶姓公府行參軍

皇子之庶子府正參軍 蕃王國大農 庶姓持

節府錄事記室中兵參軍 庶姓持節府功曹史

一班

揚南徐州西曹祭酒從事 皇子國侍郎 嗣王國

常侍 揚南徐州議曹從事 東宮通事舍人 南

臺侍御史 大舟丞 二衛殿中將軍 太子二率

殿中將軍 皇弟皇子之庶子府蕃王府等行參軍

蕃王國中尉 皇弟皇子湘荆河司益廣青衡七州

主簿 皇弟皇子荆雍郢南兗四州西曹祭酒議曹

從事 皇弟皇子江州西曹從事 祭酒議曹祭酒

部傳從事 嗣王庶姓越桂寧霍四州中從事 嗣

王庶姓荆江雍郢南兗五州主簿 庶姓持節府主

簿 汝陰巴陵二國郎中令 太官太樂太市太史

太醫太祝東西治左右尚方南北武庫府等令  
位不登二品者又為七班

七班

皇弟皇子府長史參軍 皇弟皇子國三軍 嗣王  
國侍郎 蕃王國常侍 揚南徐州文學從事 殿  
中御史 庶姓持節府除正參軍 太子家丞 二  
衛中員外將軍 太子二率 殿中員外將軍 江  
州議曹從事 鎮蠻安遠護軍度支校尉等司馬

皇弟皇子北徐北兗梁交南梁五州主簿 皇弟皇

子湘荆河司益廣青衡七州西曹祭酒議曹從事

皇弟皇子荆雍郢三州從事史 南兗州文學從事

祭酒部傳從事 嗣王庶姓湘荆河司益廣青衡

七州主簿 嗣王庶姓荆雍郢南兗四州西曹祭酒

議曹從事 嗣王庶姓江州西曹從事 勸農謁者

汝陰巴陵二王國大農 郡公國郎中令

六班

皇弟皇子國典書令 嗣王國三軍 蕃王國侍郎

護軍詹事五官功曹 皇弟皇子府參軍督護嗣

王府長兼參軍 庶姓公府長兼參軍庶姓持節府

板正參軍 皇弟皇子越桂寧霍四州主簿 皇弟

皇子北徐北兗梁交南梁五州西曹祭酒議曹從事

嗣王庶姓北徐北兗梁交南梁五州主簿 嗣王

庶姓湘荆河司益廣青衡七州西曹祭酒議曹從事

皇弟皇子荆河司益廣青五州文學從事湘衡二州

從事 嗣王庶姓荊霍郢三州從事史 江州護曹

從事 南兖州文學從事 汝陰巴陵二王國中尉

皇弟皇子之庶子縣侯國郡郎中令 郡公國大

農 縣公國郎中令

五班

皇弟皇子國三令 嗣王典書令 蕃王國三軍

皇弟皇子公府東督護 嗣王府庶姓公府叅軍督

護 皇弟皇子之庶子府長兼叅軍 蕃王府長兼

叅軍 二衛正員司馬督 太子二率正員司馬督

領護主簿 詹事主簿 二衛功曹 太常五官

功曹 庶姓持節府行參軍 湘衡二州從事 皇

弟皇子越桂寧霍四州西曹祭酒議曹從事 皇弟

皇子北徐北兗梁交南梁五州文學從事 嗣王庶

姓越桂寧霍四州主簿 嗣王庶姓北兗北徐梁交

南梁五州西曹祭酒議曹從事 嗣王庶姓荊河司

益廣青五州文學從事 汝陰巴陵二王國常侍

郡公國中尉 縣侯國郎中令 皇弟皇子府功曹  
督護

四班

嗣王國三令 蕃王國典書令 嗣王府功曹督護  
庶姓公府東曹督護 蕃王府叅軍督護 皇弟  
皇子之庶子府叅軍督護 二衛員外司馬 太子  
二率員外司馬 二衛主簿 太常主簿 石頭戍  
軍主簿 宗正等十一卿五官功曹 庶姓持節府板



行叅軍 皇弟皇子越桂寧霍四州文學從事 嗣

王庶姓越桂寧霍四州西曹祭酒議曹從事 嗣王

庶姓北徐北兗梁交南梁五州文學從事 汝陰巴

陵二王國侍郎 縣公國中尉

三班

蕃王國三令 皇弟皇子之庶子府蕃王府功曹督

護 宗正等十一卿主簿 庶姓持節府長兼叅軍

郡公國侍郎 嗣王庶姓越桂寧霍四州文學從

事

二班

庶姓持節府叅軍督護 汝陰巴陵二王國典書令

縣公國侍郎

一班

庶姓持節府功曹督護 汝陰巴陵二王國三令

郡公國典書令

三品蘊位

著作正令史 集書正令史 尚書度支三公正令

史 函典書殿中外監齋監東堂監尚書都官左降

正令史 諸州鎮監石頭城監瑯琊城監東宮外監

殿中守舍人 齋監東宮典經守舍人 上庫令

太社令 細作令 平水令 太官寺署丞 正厨

丞 酒庫丞 柴署丞 太樂庫丞 別局校丞

清商丞 太史丞 太醫二丞 中藥藏丞 東冶

小庫等三丞 作堂金銀局丞 木局丞 北武庫

丞 南武庫丞 東宮食官丞 上林丞 湖西塽

屯丞 湖東塽屯丞 茭菰庫丞 綾絹簾蓆丞

國子典學材官司馬 宣揚等諸門候 東宮導客

守舍人 運署謁者 都水左右二裝五城謁者

石城宣城陽新屯謁者 南康建安晉安伐船謁者

晉安練葛屯主

三品勲位

門下集書主事通正令史 中書正令史 尚書正

令史 尚書監籍正令史 都正令史 殿中內監

題閣監 婚局監 東宮門下通事守舍人 東

宮內監殿中守舍人 乘黃令 右藏令 籍田令

廩犧令 梅根諸治令 典客館令 太官四丞

庫丞 大樂丞 東治大庫丞 左尚方五丞

右尚方四丞 東宮衛庫丞 司農左右部倉丞

廷尉律博士 公府舍人 諸州別署監 山陰獄

丞

其州二十三並列高下選擬畧視內職郡守及丞為  
十班縣制七班各擬內職

又詔以將軍之名高卑舛雜命更加釐定置百二十

五號

二十四班

鎮衛驃騎車騎等將軍

內外通用

二十三班

四征

東南西北止施外

四中

軍衛撫權止施內

二十二班

八鎮

東西南北止施在內  
左右前後止施在內

二十一班

八安

東西南北止施在內  
前後左右止施在內

二十班

四平東北西北翊左右前後號為一品是為重號將

軍

十九班 忠武 軍師

十八班 武臣 爪牙 龍騎 雲麾代舊前後左右四將軍

十七班 鎮兵 翊師 宣惠 宣毅代舊四中郎以上十號為

一品

十六班 智威 仁威 勇威 信威 嚴威代舊征虜

十五班 智武 勇武 仁武 信武 嚴武代舊冠軍

以上十號為一品  
所謂五德將軍

十四班

代舊輔國凡將軍加大者唯至貞毅而已通進一階優者方得比加位從公凡督府置長

史司馬諮議諸曹有錄事記室等十八曹天監七年更置中錄事中記室中兵參軍各一人輕

車

征遠

鎮朔

武旅

貞毅

十三班

寧遠

明威

振遠

電輝

威輝

代舊寧朔

以上十號  
為一品

十二班

武威

武騎

武猛

壯武

颶武

十一班

電威

馳銳

追鋒

羽騎

突騎

以上十號



為一品

十班 折衝 冠武 和武 安壘 猛烈

九班 掃狄 雄信 掃虜 武銳 摧鋒  
以上十號為一品

八班 畧遠 貞威 決勝 開遠 光野

七班 厲鋒 輕銳 討狄 蕩虜 蕩夷  
以上十號為一品

六班 武毅 鐵騎 樓船 宣猛 樹功

五班

尅狄

平虜

討夷

平狄

威戎

號以上十一

品

四班

伏波

雄戟

長劍

雕騎

衝寇

三班

攸飛

安夷

尅戎

綏狄

威虜

號以上十一

品

二班

先鋒

武毅

開邊

招遠

全威

一班

綏虜

蕩寇

殄虜

橫野

馳射

號以上十一

品

右十品二十四班以班多為貴

其不登二品應須軍號者凡一十四號別為八班

八班

牙門

舊建威

期門

舊建武

七班

候騎

舊振威

雄渠

舊振武

六班

中堅

舊奮威

典戎

舊奮武

五班

戈船

舊揚威

繡衣

舊揚武

四班

執訊

舊廣威

行陣

舊廣武

三班

鷹揚

二班 凌江

一班 偏將軍 裨將軍

又有百九號將軍亦為十品二十四班施於外國

二十四班 武安 鎮遠 雄義

擬車騎

二十三班 四撫

東西南北擬四征

二十二班 四寧

東西南北擬四鎮

二十一班 四威

東西南北擬四安

二十班 四綏

東西南北擬四平以  
上十九號為一品

十九班 安遠 安邊

擬忠武軍師

十八班 輔義 安沙 衛海 撫河

擬武臣等四號

十七班 平遠 撫朔 寧沙 航海

擬鎮兵等四號以上十號

為一品

十六班 翊海 朔野 招遠 威河 龍幕

擬威等智

五號

十五班 威隴 安漠 綏邊 寧寇 梯山

擬智武等

五號以上十號為一品

十四班 寧境

綏河 明信

明義 威漠

擬輕車等

五號

十三班 安隴

向義 宣節

振朔 候律

擬寧遠等

五號以上十號為一品

十二班 平寇

定遠 凌海

寧隴

振漠

擬武威等

五號

十一班 馳義

橫朔

明節

執信

懷德

擬威等

五號以上十號為一品

十班

撫邊

定隴

綏關

立信

奉義

擬折衝等五號

九班

綏隴

寧邊

定朔

立節

懷威

擬掃狄等五號

以上十號為一品

八班

懷關

靜朔

掃寇

寧河

安朔

擬畧遠等五號

七班

揚化

超隴

執義

來化

度嶂

擬厲鋒等五號

以上十號為一品

六班

平河

振隴

雄邊

橫沙

寧關

擬武毅等五號

五班

懷信

宣義

宏節

浮遼

鑿空

擬冠狄等五號

以上十號  
為一品

四班 捍海

款塞

歸義

陵河

明信

擬伏波  
等五號

三班 奉忠

守義

宏信

仰化

立義

擬飲飛  
等五號

以上十號  
為一品

二班 綏力

奉正

承化

浮海

渡河

擬先鋒  
等五號

一班 懷義

奉信

歸誠

懷澤

伏羲

擬綏虜  
等五號

以上十號  
為一品

右内外官數未詳天監初年尚書刪定郎濟陽蔡



法度定令為九品至七年革選徐勉為吏部尚書  
又定為十八班班多者為貴同班者則以居下者  
為劣又置諸將軍之號為二十四班亦以班多者  
為貴而九品之制不廢

通典卷三十七